



Rabu, 07 Pebruari 2024

Ogen: Miha 7:14-20



Lias Ate Tuhan



Erti gelar Miha eme *siapakah seperti Allah?* La lit Dibata si deban bagi Kam, o Tuhan? (ay.18 a). Sada penungkunen si enggo jelas jabapna. Maka la lit dibata sideban seakaten Dibata Israel ngenca. La lit dibata-dibata si ngasup ngimbangan kuasa ras kinimbisan Dibata Israel e. Dibata ngenca si ngasup nelamatkan bangsaNa, Dibata ngenca si dem lias ate man bangsaNa bagepe man doni enda la ersibar.

Nabi Miha ernubuat tupung krisis kegeluhen nderpa bangsa Israel subuk ekonomi, agama, sosial, moral ras politik. Metedeh ate Miha gelah bangsa e ndatken pemulihen i bas situasi e. Tapi ise pe labo ngasup memulihkan kondisi bangsa e seakaten Tuhan ngenca. Emaka Miha ertoto man Tuhan gelah isehkenNa lias ateNa man bangsa e. Lit 3 si ipindo Miha i bas pertotonna. Pemena, Tuhan jadi permakan nandangi bangsaNa. Peduaken, Tuhan erbahan tanda kuasa man bangsa e. Peteluken, Tuhan ngalemi dosa bangsaNa.

Lias ate Tuhan selaku permakan, sincidahken kuasa si mbelin ras dem pengalemi dosa e me si teridah i bas Tuhan ta Jesus Kristus. Emaka selaku kalak si tek man Tuhan Jesus Kristus tetaplah paguh erkiniteken janah ertotolah bagi pertoton Miha maka kita pe tetap megegeh dengen teneng ndalani kegeluhen enda. Mbue gia perbeben, lit nge lalap man ukuren, megati nderpa kiniseran ku bas geluhta, ula minter kote, ula minter putus pengarapen sabap lias ate Tuhan lit nge, lias ateNa e la erkerin dengen tetap isehkenNa banta. Inget maka Tuhan e permakan geluhta, tentu icidahkenNa kuasaNa man banta ras Ia ngenca si ngasup ngalemi dosanta. Emaka geluhlah bagi si ngena ateNa ras tek lah kerna lias ateNa.

👉 *“Pertoton segedang-gedang geluh eme ngataken bujur man Tuhan”*